

Inversion di 11 miyon dollar ta subraya e compromiso di Aruba

NV ELMAR ta satisfecho cu desaroyo di prome fase di Parke Solar di aeropuerto



ORANJESTAD - Recientemente Director di NV ELMAR, Robert Henriquez, hunto cu e compania su Business Development Officer, Elthon Lampe a bishita e Parke Solar na Aeropuerto Reina Beatrix cu ta den su prome fase di construccion.

E proyecto aki ta un inversion di 11 miyon Dollar Mericano, pa cual a cera un Power Purchase Agreement (PPA) cu e compania PFix. Na su turno PFix ta trahando cu Albo y Croon, cual ta - respectivamente - expertonan den construccion y instala-

cion di coriente.

E parke solar un berdadero expresion di e vision di sostenibel di Pais Aruba cu tin como beneficio aña di cu e ta brinda sombra na e autonon para den e parkeer.

E construccion ta den su di prome fase y ta consisti di un total di shete fase. E afdak di panel solar pa parkeer di Aruba ta e prome di su tipo den nos region y sigur ta un icono den Caribe, segun Robert Henriquez. NV ELMAR ta satisfecho di por tin un proyecto prestigioso aki bao di su supervision, cual sigur ta un balor agrega na nos aeropuerto.

Henriquez ta splica cu e proyecto aki lo genera bastante coriente pa cubri e consumo di ful aeropuerto durante dia den su produccion "piek". Calculacionnan ta muestra cu e panelnan solar lo genera mas cu 3 Megawatt, cual ta ekivalente na consu-

mo di 500 cas.

E parke solar sigur ta un simbolo cu ta refleha Aruba su compromiso cu energia sostenibel.

E rol di NV ELMAR ta di

supervisa e proyecto y interconecta e parke cu e grid di ELMAR. Segun esunnan cu a desaroya e parke por ta den funcionamiento completo pa luna di mei 2014. □